


Yesux Pai Pui Laig Phicaox



Lukax 8:26-39

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format.

The questions in this guide may be freely adapted as deemed appropriate for a particular audience.

Translated to the Wa language by:

Yex Ka Lin

Ai Sang Awng

Edition : First edition

Date : September, 2015

Wa Scripture passages are from The Holy Bible in Wa (2012)

Puag Pua Pa Koe Plak Khaix

Krax Pa Nih Nai Krai Lao Tau -

Sax yaox maix pui pa laig phi caox lie? Yam laig phi caox ka daux nawh awm pa yuh ka mawx?

Yam yaox ex pui pa laig phi caox ex koe krax pa lhat (a) yam mhong ex grawng been pa laig khuan caox. Viang mawh nan kadaux been in ex tag yaox phi caox lhat ka Yesux mawh kheu koe siawp sibrawm Nawh pa piang kix. Yesux pon pex teem ka pui pa laig phi caox kieh luat luan khaing pa giex gang phi caox heue.


Kadaux been in ex tag sang yaox ti mhong grawng pui laig phi caox tix kaux hoek ka Yesux. Pui an mawh pui pa ot ka veng Gadarax. Pui pa ot baoh veng Gadarax mawh pui pa ang yum rhawm ka Siyiex. Pui Yudax khankix ang ih nex lig mai ang eei lig heue. Viang mawh nan pui veng Gadarax eei lig tom nie heue. Mawh kheu nan pui Yudax khan kix ang koe rhawm ti hu ka veng Gadarax. Viang mawh nan Yesux simie pui veng Gadarax khankix tawng ka Gumlox buan Siyiex heue.




²⁶ Kix hoek ka meung Gadarax, pa koe praok sidieb rawm nhawng meung Galilie. ²⁷ Yam hoik lih hu Nawh Cao ka piang caong raog, pui tix kaux pa hoik lih khaing daux veng hoek ti rieb Nawh,




kaw an mawh pa laig phicaox mai ang ceep
kraung tom rheung, ang ot daux nyiex, nawh
ot ka daux simeeig khankix heue.



²⁸ Yam yaox nawh Yesux, nawh krub sivoe
Nawh Cao mai nawh riag kok yo lox tix
sinum ah nin, “Yesux, Kawn Siyiex pa ting
Ihaong khaing khawmuik eue, aux koe pa
yuh mai Maix ceu patix? Aux khyox khaw ka
Maix paw vi tuktieak tukte ka aux liak” ²⁹
Kheu Nawh Cao hoik nhie phi pa seeing brai
an lih khaing pui an heue.



Kheu phi an hoik giex nawh tom nie
bawg mai hoik kieh pui pau nawh phyawk
nawh ka ceng mai hoik sau gang ka nawh
heue. Viang mawh nan nawh pon rud
maox ceng khankix dud mai phicaox an
grheu nawh hu ot ka daux tiagtu heue.




³⁰Nawh Cao chawk nawh ah nin, “Ceu
kaux maix kaux patix? Nawh deeh ah nin,
“Mawh Liecong heue.” Mawh kheu hoik laig
phicaox ka nawh tom nie, nawh tom ah nan.
³¹Kix khyox khaw ka Nawh Cao, yuh ka mawx
son ang Nawh sang nhie kix lih hu laig ka dee
kied raux heue.




³² Ka dee an koe cub lig pa kied hun sawm ka gawng tan heue. Kix khyox khaw ka Nawh Cao, sonsang laig kix daux lig mai Yesux tawx akhuang ka kix heue.




³³ Phicaox khankix lih khaing daux pui an mai laig ka daux lig khankix, cub lig an, to lih ka dee nie rieh nie jun jee, laig ka daux nhawng mai nok ka rawm yum heue. ³⁴ Yam yaox pui liang lig khankix ka ceu pa hoik mawh an, kix to hu mai krai grawng an ka daux yaong daux veng khankix heue.



³⁵ Pui khankix hu ti jhak grawng pa hoik
mawh an mai yam hoek kix ka Yesux mai yaox
kaw pa hoik lih phicaox khaing, ngawm liep
caong Yesux tan, hoik deeh mhawm mai ceep
kraung, kix lhat kah heue.



³⁷ Pui meung Gadarax khawmuik mai pui pa
ot sivie tan, khyox khaw ka Nawh Cao nhie
Nawh lih hu khaing kix, mawh kheu kix kied
Ihat graung kah Nawh Cao deeh laig ka daux
reu mai deeh ing heue.³⁸ Pui pa hoik laig
phicaox glang ka an, rawg ti ot tau mai Nawh
Cao, viang mawh nan Nawh Cao ah nin,



³⁹ “Ing ka nyiex maix mai krai kix mhong
grawng ceu pa ting lhaong pa caux rhawm
Siyiex mai yuh bwanson, son maix heue.” Kaw
an lih hu mai krai grawng ceu pa ting lhaong
pa hoik yuh Yesux son nawh, ka daux veng an
khawmuik heue.

k. Deeh Thawk Theng

1. Yam lih Yesux khaing reu, mawh pui mawx pa hoek ka Nawh?
2. Phi caox yuh pa tix ka pui an?
3. Yam yaox pui laig phi caox ka Yesux, nawh yuh pa tix? Nawh ah pa tix?
4. Yesux ah pa tix ka phi caox? Lih tix mawh ceu pa tix?
5. Yam yaox pui liang lig grawng pa hoik lih tix mawh ceu an khankix, kix yuh pa tix?
6. Khaix hoik luan khaing pa giex gang phi caox, pui an rawg ceu pa tix ka Yesux?
7. Yesux deeh pawk lox mai ah pa tix ka nawh?

kh. Krax Pa Doh Rhawm Ka Been

1. Phi caox giex gang ju khuan kaw pa ot veng Gadarax kadaux blawng yuh ka mawx?
2. Phi caox tawng Yesux mawh pui mawx?
3. Maix keud yuh ka mawx ka grawng pa nhie phi caox laig ka daux lig khan kix?
4. Mawh kheu jao pa tix Yesux simie pui an ot daux veng ot nawh ngie?

G. Krax Pa Deeh Shiao Daux Ju Tix

1. Kadaux been in maix pon rieb gau ceu pa tix khaing ka grawng Yesux?
2. Phan pui laig phi caox hoek ka maix, maix sang huh ka mawx?
3. Ex sang chix kieh pui tang kaux tawng grawng pa teem Siyiex ka ex huh ka mawx?

Ng. Ceu Pa Rieb Gau Ex Khaing Been In

1. Phi caox tawng Yesux mawh Kawn Siyiex mai tawng Nawh koe siawp sibrawm ka piang khuan caox khankix.
2. Yesux simie ex luat luan khaing greem veei pa giex gang khuan caox.
3. Son Siyiex, ju kawn pui nie lheu ngawh khaing tang ceu heue. Lheu khaing in kawn pon ti rieb gau ceu pa tix? Kawn koe lox chawk ceu pa tix?

Baux Lai Pa Lo Tix Ci

Lukax 8:39 “Ing ka nyiex maix mai krai kix mhong grawng ceu pa ting Ihaong pa caux rhawm Siyiex mai huh bwanson, son maix heue.” Kaw an lih hu mai krai grawng ceu pa ting Ihaong pa hoik huh Yesux son nawh, ka daux veng an khawmuik heue.